



Broj:04-11-3117/21

Datum: 08.12.2021.godine

Na osnovu člana 64. stav (1) tačka b) najniža cijena, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 04-11-3117/21 od 08.12.2021. godine, u postupku javne nabavke: Nabavka informatičke opreme za potrebe MZ-a u ključenih u projekt "Jačanje uloge MZ u BiH", Općinski načelnik donosi:

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za javne nabavke, broj: 04-11-3117/21 od 08.12.2021. godine i ugovor za javnu nabavku: - **Nabavka informatičke opreme za potrebe MZ-a u ključenih u projekt "Jačanje uloge MZ u BiH"**, dodjeljuje se ponuđaču PR "Smart Computer" Prijedor, ponuda broj: 211/21 od 02.11.2021.godine, za ponuđenu cijenu (nakon održane e-aukcije) od 11.170,00 KM bez PDV-a (cijena sa PDV-om iznosi 13.068,90 KM) kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču PR "Smart Computer" Prijedor po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Služba za finansije, trezor i zajedničke poslove.

Član 4.

Ova odluka objavit će se na web-stranici www.sanskimost.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke -Nabavka informatičke opreme za potrebe MZ-a u ključenih u projekt "Jačanje uloge MZ u BiH", pokrenut je Rješenjem o pokretanju postupka javne nabavke broj: 04-11-3117/21 od 28.10.2021. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 15.600,00 KM.

Obavijest o nabavci broj: 305-1-1-39-3-42/21 poslana je na objavu dana 28.10.2021. godine i isti dan objavljena na Portalu javnih nabavki.

Komisija za javnu nabavku, imenovana je Rješenjem broj:04-11-3117/21 od 04.11.2021. godine, dostavila je dana 08.12.2021. godine Izvještaj o provedenoj e-aukciji od 06.12.2021. godine, Zapisnik o ocjeni ponuda i Preporuku o izboru najpovoljnijeg ponuđača, broj: 04-11-3117/21 od 08.12.2021. godine u postupku javne nabavke: -Nabavka informatičke opreme za potrebe MZ-a u ključenih u projekt "Jačanje uloge MZ u BiH".

U postupku po izvješću o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 6 (šest)
- da je blagovremeno zaprimljeno 6 (šest) ponuda
- da su ponude ponuđača: PR "Media Market" Prijedor; "Digitarija" d.o.o. Sarajevo, "Inter-Com" d.o.o.Zenica i PR "Smart Computer" Prijedor prihvatljive.

| Naziv / ime ponuđača | | Ponuđena cijena (bez PDV-a) |
|----------------------|------------------------------|-----------------------------|
| 1 | PR"MEDIA MARKET" Prijedor | 15.300,00 |
| 2 | "DIGITARIJA" d.o.o. Sarajevo | 15.600,00 |
| 3 | "INTER-COM" d.o.o. Zenica | 15.600,00 |
| 4 | PR"SMART COMPUTER" Prijedor | 15.603,00 |

Komisija za javne nabavke u analizi blagovremeno prispjelih ponuda konstatovala je da je ponuđač PR "Media Market" Prijedor u obrazcu za cijenu ponude-robe, aneks 2., u stavci pod r/b 5., napravio računsku grešku prilikom množenja jedinične cijene sa količinom tražene robe, te je umjesto ukupne cijene po stavci koja treba da iznosi 2.400,00 napisao 2.300. To je dovelo i do toga da je greška i u Obrazcu za cijenu ponude-robe, aneks 2., Ukupan iznos sa uračunatim popustom bez PDV-a, jer tačan zbir svih pojedinačni stavki koje čine cijenu ponude bez poreza na dodatnu vrijednost, računajući i ispravljenu ukupnu cijenu po stavki pod rednim brojem 5., je 15.300,00 KM, a ne 15.200,00 KM. U skladu sa članom 17. stav (2), (3) i (5) Uputstva za pripremu modela tenderske dokumentacije i ponuda ("Službeni glasnik BiH", broj: 90/14), Komisija za javne nabavke, imenovana rješenjem Općinskog načelnika broj: 04-11-3117/21 od 04.11.2021. godine, dostavila je dana 29.11.2021. godine, putem faksa, zahtjev PR "Media Market" Prijedor za prihvatanje ispravke računске greške. Slijedeći dan, 30.11.2021. godine, putem faksa je stigao odgovor od strane ponuđača kojim su oni dali saglasnost na ispravku računске greške, te je samim tim ponuda pođača PR "Medi Market" Prijedor prihvatljiva.

Komisija za javne nabavke u analizi blagovremeno prispjelih ponuda konstatovala je da dvije ponude nisu prihvatljive i to:

1. Ponuda ponuđača "Zerick" d.o.o Sarajevo je neprihvatljiva iz razloga što kopija potvrde investitora o izvršenim istim ili sličnim ugovorima nije ovjerena, a tačkom 3. podtačka 3.4. pod a) tenderske dokumentacije utvrđeno je da kopije trebaju biti ovjerene.

2. Ponuda ponuđača "Emado" d.o.o. Sarajevo je neprihvatljiva iz dva razloga i to:
-što je nepravilno popunjen Obrazac za cijenu ponude-robe (aneks 2.). Komisija je utvrdila da je ponuđač u Obrazcu za cijenu ponude-robe u dijelu gdje se unosi popust unio iznos popusta, te za isti uvećao ponudu tako da je ukupan iznos sa uračunatim popustom bez PDV-a veći od ukupnog iznosa bez PDV-a i to za iznos popusta. Ponuđač umjesto da umanjí svoju ponudu za visinu popusta, istu je uvećao za visinu popusta. Od strane ponuđača ponuđeni popust odgovara iznosu PDV-a, jer iznosi 17% od ukupnog iznosa bez PDV-a, te je za isti iznos umjesto umanjio, Ponuđač je povećao

ukupnu cijenu sa popustom bez PDV-a. Iz obrazca za dostavljanje ponude (aneks 1) isto se tako vidi da ponuđač u istom nema uračunat popust, ali da je iznos uračunatog PDV-a, jednak iznosu kojeg je ponuđač upisao u obrazcu za cijenu ponude (aneks 2) na mjesto popusta i za isti umjesto da je umanjio cijenu ponude, Ponuđač je za popust uvećao cijenu ponude. Kako je postupak javnih nabavki strogo formalan postupak, a obrazac za cijenu ponude propisan članom 5. Uputstva za pripremu modela tenderske dokumentacije i ponuda ("Sl. Glasnik BiH" br: 90/14 i 20/15) Komisija je mišljenja da sve pogrešno unešeno u propisane obrazce, a što nije računaska greška, predstavlja nepravilno popunjen obrazac. Kako se ne radi o računskoj grešci koju je moguće ispraviti i od ponuđača tražiti da se izjasni o pristanku na ispravku greške, već se radi o nepravilno popunjenom obrazcu, Komisija za javne nabavke smatra ponudu ponuđača "Emado" d.o.o. Sarajevo neprihvatljivom.

- kopije potvrda investitora o izvršenim istim ili sličnim ugovorima nisu ovjerene, a tačkom 3. podtačka 3.4. pod a) tenderske dokumentacije utvrđeno je da kopije trebaju biti ovjerene.

U skladu sa tačkom 5. podtačka 5.8. tenderske dokumentacije i Pravilnikom o uslovima i načinu korištenja e-aukcije ("Službeni glasnik BiH", broj 66/16) zakazana je i provedena e-aukcija u sistemu e-nabavke. E-aukcija je zakazana dana 03.12.2021. godine u 12:44:57 sati sa terminom održavanja 06.12.2021. godine sa vremenom početka u 13:00:00 i predviđenim trajanjem e-aukcije od 10 minuta.

Nakon okončane e-aukcije koja je trajala u vremenskom periodu od 06.12.2021. godine od 13:00:00 do 06.12.2021. godine do 13:34:00 sati, a u skladu sa Izvještajem o toku i završetku E-aukcije, Komisija je konstatovala **da je došlo do promjene cijene u odnosu na početne**, te je utvrdila konačnu rang listu ponuđača kako slijedi:

| Naziv / ime ponuđača | Ponuđena cijena u KM (bez PDV-a) |
|---------------------------------|----------------------------------|
| 1 PR "SMART COMPUTER" Prijedor | 11.170,00 |
| 2. "INTER-COM" d.o.o. Zenica | 11.200,00 |
| 3. PR "MEDIA MARKET" | 13.500,00 |
| 4. "DIGITARIJA" d.o.o. Sarajevo | 15.600,00 |

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriterijima iz tenderske dokumentacije.

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:


| Naziv / ime ponuđača | Ponuđena cijena u KM (bez PDV-a) |
|---------------------------------|----------------------------------|
| 1 PR "SMART COMPUTER" Prijedor | 11.170,00 |
| 2. "INTER-COM" d.o.o. Zenica | 11.200,00 |
| 3. PR "MEDIA MARKET" | 13.500,00 |
| 4. "DIGITARIJA" d.o.o. Sarajevo | 15.600,00 |

Izabrani ponuđač PR,, Smart Computer" Prijedor, ponuda broj: 211/21 od 02.11.2021.godine, je izabran primjenjujući kriterij najniže cijene, koja je ponuđena u iznosu od 11.170,00 KM bez PDV-a /ukupna cijena sa PDV-om iznosi 13.068,90 KM /.

Iz navedenih razloga, primjenom člana 64. stava (1) tačka b), najniža cijena, Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Ured za razmatranje žalbi BiH, Filijala Mostar, putem Ugovornog organa, najkasnije u roku od 10 (deset) dana od dana prijema ove odluke.



OPĆINSKI NAČELNIK

Faris Hasanbegović, prof.

Dostaviti:

- 1.PR "Smart Computer" Prijedor
Vožda Karađorđa bb., 79101 Prijedor
- 2."Inter-Com" d.o.o. Zenica
Vrandučka 71B, 72000 Zenica
- 3.PR "Media Market Prijedor
Miloša Obrenovića bb, 79101 Prijedor
- 4."Digitarija" d.o.o. Sarajevo
Ul. Zmaja od Bosne 14c, 71000 Sarajevo
- 5."Emado" d.o.o. Sarajevo
Azize Šaćirbegović 112, Sarajevo 71000
- 6."Zerick" d.o.o. Sarajevo
Mustafe Kamerića 7., Sarajevo 71000
- 7.u dosije
- 8.a/a